

M074: Gebet einer Frau

0,1 got in dînes sunes minne .
0,2 nû verlich mir daz ich mit mîneme sinne .
0,3 rehte verstên müeze .
0,4 des heiligen geistes süeze
0,5 wande er geheizen ist paracletus
0,6 ane ruofe ich dich durch nôt sus
0,7 daz dû mir in sendest ze trôste .
0,8 mit deme dû genædiclichen erlôste .
0,9 die vile guoten Susannam .
0,10 von zwein alten mannen .
0,11 durch des heiligen Danieles munt .
0,12 sô tæte dû den liuten kunt
0,13 daz si nieht wart vunden
0,14 sô si mit lûgelîcheme urkûnde
0,15 sageten offênlichen .
0,16 alsame ne müezest dû geswîchen .
0,17 mir armen süntærinne .
0,18 durch dîner gebûrte willen .
0,19 unde durch sancte Marien die guoten .
0,20 sô schouwe alle mîne noete .
0,21 mit den ich bin bevangen .
0,22 êr mich hêrre gebande .
0,23 dechein nîtlich rât .
0,24 nû erkenne ane mir dîne hantgetât .
0,25 daz ieman müeze menden .
0,26 ob mir ellender .
0,27 wande ich trûthêrre .
0,28 ne hân trôstes mêre
0,29 niuwan sô von dir geschriben stât .
0,30 daz ire aller werde guot rât .
0,31 die sich verlâzen ane dich .
0,32 vone diu ruoche hêrre mich .
0,33 ze haben in dîneme scherme .
0,34 nû lâ mich êr ersterben .
0,35 êr ane mir werde ervûllet .
0,36 decheines mînes vîendes wille .
0,37 ich bite dich hêrre durch dîne gûete .
0,38 dû sende mir in mîn gemüete .

0,39 daz ich dir die räche .
0,40 alle müeze lâzen .
0,41 sô daz michel reht ist .
0,42 wande dû rihtære bist
0,43 über allez mankünne .
0,44 unde lâ mich mîner sünden .
0,45 niewet entgelten sô sêre .
0,46 dû ne helfest mir trehtîn hêrre .
0,47 ûzer aller mîner nôt .
0,48 durch dînen heiligen tôt .
0,49 den dû ane deme kriuze næme
0,50 ob ich des wert wære .
0,51 daz ich dere einiu müeze sîn .
0,52 durch [die] dû die vuoze dîn
0,53 dîne . site unde dîne hende .
0,54 vone den juden lieze wunden .
0,55 durch aller dere werlte heil .
0,56 nû verlîch mir daz mir sîn ein teil .
0,57 von dînen genâden müeze werden .
0,58 daz ich des êwigen tôdes nicht ersterben .
0,59 nû bite ich dich hêrre .
0,60 durch sancte Michahêles êre .
0,61 daz dû mir sendest ze huote .
0,62 den engel vile guoten .
0,63 der mich vore in beschirme .
0,64 die dâ niene gehirmen .
0,65 si ne bringen ze bôsheit .
0,66 daz lâ dir hêrre wesen leit .
0,67 wande ich dir getrûwe verre .
0,68 daz mir niuwet müge gewerren .
0,69 unze dû mich hâst in dîner pflege .
0,70 nû ne . lâ mich under wegen .
0,71 durch allez himelische here .
0,72 ruoche mich ze neren .
0,73 ûze allem untrôste .
0,74 same dû Tobiam erlôste .
0,75 mit deme engele Gabriêle
0,76 dâ er in wîste ze Raguêle .
0,77 von sîn vater in andere lant .
0,78 dâ beschirmte in diu dîn hant .
0,79 von des tiuveles nîde .
0,80 dâ er lac bî sîneme wîbe .
0,81 daz er den tôt niene nam .
0,82 alsô ander ire man .
0,83 vore ime wurden ertoetet .
0,84 alsô erloese mich ûzer allen mînen noeten
0,85 trôst aller dirr liute .
0,86 ane ruofe ich dich hiute .

0,87 daz dû mîn troestære welles sîn .
0,88 durch den heiligen toufære dîn .
0,89 deme dû daz urkünde gæbe .
0,90 daz vone wîbe niene bekoeme .
0,91 nechein hêrer geburt .
0,92 nû sich hêre wes mir sî durft .
0,93 unde bûeze mir genædiclîchen
0,94 wande dir muoz entwîchen .
0,95 swaz sô wider dir ist .
0,96 ze helfe hêre kum mir .
0,97 durch willen dîner urstende .
0,98 daz ich êr mûeze kennen .
0,99 dîne genâde alsô manicvalt .
0,100 unde nim mich ûzer der gewalt .
0,101 aller vîende mîn .
0,102 daz ich mûge hêre trehtîn .
0,103 in der heiligen kristenheite
0,104 geloben die dîne gûete .
0,105 got dû elliu tougen wole weist .
0,106 nû sende mir den dînen geist .
0,107 den heiligen troestære .
0,108 mit [...]